

# Ohppiidiskkadeapmi – diehtu joatkkaskuvllaohppiide

## **Mii Ohppiidiskkadeami ulbmil lea?**

Ohppiidiskkadeapmi addá dutnje vejolašvuoda mitalit iežat oaiviliid oahppama ja loaktima birra skuvllas. Iskkadeami bohtosat vurkejuvvojit, ja daid geavahit skuvla, skuvlaeaiggát ja stáhtalaš oahpahuseiseválddit analyseret ja ovdánahttit ohppiid skuvla- ja oahppanbirrasa.

Iskkadeami bohtosat sáhttet maiddá geavahuvvot dutkamis, statistihkain, ja dat sáhttet vurkejuvvo vuorkái.

Oahpahusdirektoráhtta almmuha Ohppiidiskkadeami statistihka deike: [www.udir.no](http://www.udir.no).

## **Mo čađahuvvo iskkadeapmi?**

Lea eaktodáhtolaš vástidit Ohppiidiskkadeapmái. Sáhtát maiddá guođit vástitkeahttá gažaldagaid maidda it hálit vástidit.

## **Gieđahallanovddasvástádus ja personsuodjalus**

Go vástidat Ohppiidiskkadeami gažaldagaide, de vurkejuvvojit persondieđut du birra. Oahpahusdirektoráhtas lea ovddasvástádus dasa ahte buot persondieđut gieđahallojuvvojit personsuodjalusnjuolggadusaid mielde. Min dáhtagieđahalli Conexus doaimmaha iskkadeami tehnikkalaš beali Oahpahusdirektoráhta ovddas, ja dat galget čuovvut seamma njuolggadusaid.

Don it almmut nama, ii ge du vástádusaide Ohppiidiskkadeamis leat čadnon personnummar. Go leat vástidan iskkadeapmái, de botkejuvvo čanastat gaskal du sisaloggenkoda/-linjka ja dan maid don leat vástidan. Danne lea váttis diehtit gii lea vástidan maid iskkadeamis. Muhtun oktavuodain (omd. unna skuvllain) sáhttá dattetge leat riska ahte muhtun sáhttá dovdát gii lea vástidan maid. Danne leat Oahpahusdirektoráhtas hui garra njuolggadusat čájehit iskkadeami bohtosiid skuvlii, skuvlaeaiggádii ja stáhtalaš oahpahuseiseválddiide. Iskkadeami bohtosat eai galgga almmuhuvvot nu, ahte lea vejolaš dovdát du vástádusaid. Vástádusat vurkejuvvojit nu guhká go lea dárbu dasa.

Dain oktavuodain go Oahpahusdirektoráhtta addá vástádusaid dutkamii, de dutkit galget čuovvut direktoráhta njuolggadusaid gieđahallat persondieđuid ja jávohisvuodageaskku, ja sii galget vuolláičállit jávohisvuodageaskkolušgáštusa.

## **Persondieđuid gieđahallama rievttálaš vuodđu**

Persondieđuid gieđahallama rievttálaš vuodđu Ohppiidiskkadeamis lea personsuodjalusmearrádus art. 6 nr. 1 e-bustávva ja art. 9 nr. 2 g-bustávva, mas dievasmahtti nátionála rievttálaš vuodđu lea oahpahuslága lánkaásahusa § 2-3 ja priváhtaskuvllalága lánkaásahusa § 2-3. Don it sáhte gáibidit beassat geahččat, divvut dahje sihkkut vástádusaid, danne go du vástádusat eai sáhte čadnot njuolga dutnje.

Dutkama, statistihka ja vuorkái vurkema rievttálaš vuodđu lea personsuodjalusmearrádus art. 6 nr. 1 e-bustávva ja art. 9 nr. 2 j-bustávva. Personsuodjaluslága §§ 8 ja 9 leat dievasmahtti nátionála riektevuodđu.

## **Leat go dus gažaldagat?**

Eanet dieđuid oaččut go válddát oktavuoda skuvllain dahje Oahpahusdirektoráhtain. Oahpahusdirektoráhta oktavuodadieđut:

**Telefovdna:** +47 23 30 12 00

**E-poasta:** [post@udir.no](mailto:post@udir.no)

Dáppe leat maiddái olu dieđut: [www.udir.no/undersokelser](http://www.udir.no/undersokelser). Gažaldagaid personsuodjalusa birra sáhtát jearrat Oahpahusdirektoráhta personsuodjalusáittardeaddjis: [personvernombud@udir.no](mailto:personvernombud@udir.no)

Diehtobearráigeahčču lea Ohppiidskkadeami persondieđuid gieđahallama váidinásahus. Eanet dieđut leat dáppe: <https://www.datatilsynet.no/om-datatilsynet/kontakt-oss/klage-til-datatilsynet/>